



欽定四庫全書提要

全生指迷方四卷宋王貺撰案書錄解題貺字子亨考城人名醫宋毅叔之婿宣和中以醫得幸官至朝請大夫是書宋史藝文志作三卷而傳本久絕故醫家罕所徵引或至不知其名今檢永樂大典所收按條掇拾雖未必盡符原本然大要已略具矣方書所載大都皆標某湯某丸主治某病詳其藥品銖兩而止獨貺此書于每證之前非惟具其病狀且一一論其病源使讀者有所据依易於運用其脈論及辨脈法諸條皆明白曉暢凡三部九候之形病證變化之象及脈與病相應不相應之故無不辨其疑似剖析微茫亦可爲診家之樞要

謹詳加訂正分爲二十一門依類編次而以論脈諸篇
冠之于首因篇頁稍繁釐爲四卷不復如其原數焉

原序

余昔任左史遇疾瀕死考城王貺子亨爲察衆工之用藥而
余以生因以其所著全生方一編遺予藏之未暇讀也繼掌
外制一日得異疾謀諸醫未決子亨笑曰毋恐此吾書所有
也視某章病當某藥如方信宿而疾良已於是始奇之歸居
淮南去王城國偶有病祗訊於書謫三巴遷百粵去醫益遠
又橐本以歸余余以爲之表其端曰此書直而遂曲而通部
居標列而脈絡潛流形色昭彰而對治要妙知方者讀之智
思橫生不知者猶可按圖而愈疾眞衛生之奇寶濟物之良
術也至理不煩至語不費余非知道者而於此乎取之子亨
當官不苟遇世變嘗慨然再請出疆萬里其論著此書用心

救世利物不特此矣吳敏序

自序

德彌大者常存乎好生之心志彌廣者每切於立言爲教在上世則有伊尹逮後漢乃見張機祖述神農之經發明黃帝之道雖然術至通神之妙在乎知慮以爲先藥至起生之功必因精能而後效天無棄物非人莫知所能人有常心非道莫知所適凝神自悟觸理皆分故能贊益天機悉體陰陽之變深窮造化博極生死之源候色驗形自契一時之理列腸剖臆難傳後代之精至於湯液除疴砭石起死必當研窮性味斟酌淺深治理在於君臣協攻資乎佐使方書之行其來尙矣有人猶不能刻意研求專心致志撓邪抱病則束手無能制療處方則委身紕繆余竊悲之於是採古人之緒餘分

病證之門類別其疑似定其指歸陰陽既明虛實可攷若能
按圖求治足以解惑指迷雖未起死回生庶幾扶危拯困故
號曰全生指迷以崇大倫之道焉考城王貺子亨序

全生指迷方卷一

四庫全書原本

墨海金壺

子部

宋

王貺

撰

脈論

論曰人以天地之氣生四時之法成是以有五藏六府四肢
十二經三百六十五穴以象五運六氣四時十二月周天之
度陰陽變化與天地同流乖其氣逆其理則陰陽交錯府藏
偏毗脈行遲速榮衛失度百病從生非脈無以探蹟索隱所
謂脈者乃天真之元氣有生之精神精神去榦脈理乃絕故
上古聖人體性鑒形剖別藏府詳辨經絡會通內外各著其
情氣穴所發各有諭名善診脈者靜意視義觀其變於冥冥
之中以神合神悠然獨悟口弗能言先別陰陽審清濁而知

分部視喘急聽音聲而知病所生所謂陰陽者至者爲陽謂隨呼而出也去者爲陰謂隨吸而入也動者爲陽鼓擊躁急也靜者爲陰來去沉沉默默也數者爲陽謂一呼一吸六至也遲者爲陰謂往來不滿三至也於三部九候之內察其脈形有獨異者謂獨大獨小獨疾獨遲獨不應四時者乃受病之所也

辨五藏六府部位脈法

左手寸口脈浮取之屬小腸爲府沉取之屬心爲藏其經則手太陽少陰左手關上脈浮取之屬膽爲府沉取之屬肝爲藏其經則足少陽厥陰左手尺中脈浮取之屬膀胱爲府沉取之屬腎爲藏其經則足太陽少陰右手寸口脈浮取之屬大腸爲府沉取之屬肺爲藏其經則手太陰陽明右手關上脈浮取之屬胃爲府沉取之屬脾爲藏其經則足太陰陽明右手尺中脈浮取之屬三焦爲府沉取之屬心胞絡又屬右腎其經則手少陽厥陰

辨人迎三部趺陽九候五藏六府脈法

論曰診脈之法其要有一曰人迎在結喉兩傍取之應指而動此部法天也二曰三部謂寸關尺也于腕上側有骨稍高曰高骨先以中指按骨謂之關前指爲寸部後指爲尺部尺寸以分陰陽陽降陰升通度由關以出入故謂之關此部法人三曰趺陽在足面繫鞋之所按之應指而動者是也此部法地三者皆氣之出入要會所以能決吉凶死生凡三處

大小遲速相應齊等則爲無病之人故曰人迎趺陽三部不參動數發息不滿五十未知生死以三者爲決死生之要也故人迎一盛病在太陽謂陽極也四盛以上爲隔陽謂無陰以收也寸口一盛病在少陰二盛病在太陰三盛病在厥陰厥有盡也四盛以上爲關陰謂無陽以繫也隔陽者氣上而不能下則吐逆關陰則閉塞大小便不通皆死不治九候者謂三部之位一位有三候浮取之屬陽沉取之屬陰中得之爲胃氣故無胃氣則死五藏之脈輕手于皮膚得之者肺也至肌得之者心也至肉得之者脾也至筋得之者肝也至骨得之者腎也五者輕重皆應是謂五藏之氣全也又有推而外之在經絡推而內之在血脈凡診平人之脈當以平旦陰氣未動陽氣未散飲食未進脈絡調和可以見有餘不足之脈一呼行三寸一吸行三寸呼吸行六寸而脈四至呼吸之間又一至此盛脈得天全者也若過十息脈應五十動又須與氣相應往來緩急得中潤澤如慢水流行源源者此壽脈無疾也若不滿五十動一止此一藏之氣絕四歲死三十動一止三歲死二十動以下一止期以歲月死若與形氣不相應往來短促枯燥無首尾此不壽之脈而多病凡診病脈則不拘晝夜審脈所以察其由則寒熱虛實見矣凡脈病人不病者死人病脈不病者生

診諸病證脈法

論曰脈變於內病形於外相參以察其理氣熱脈滿是謂重

實脈實以堅謂之益甚上下相失不可數者死謂至數也脈口熱而尺反緩皮膚外證也滑則從濇則逆寸口膚熱而尺膚寒是經氣有餘絡氣不足也尺膚熱脈滿寸口膚寒脈濇是經氣不足絡氣有餘也脈寸虛尺虛是謂重虛重虛者死寸虛者病情無常神不守也尺虛者行走恆然脈滑則生濇則死脈急大堅尺濇而不應謂之形滿手足溫則生寒則死乳子中風熱喘鳴肩息脈緩則生急則死下痢白沫脈沉則生浮則死下痢膿血脈懸絕則死滑則生浮濇之脈身有熱者死癩疾之脈博大而滑久久自己脈小堅急死不治病人口甘而渴此數食甘美而多肥五氣之溢也謂之脾痺病人口苦此因數謀慮不決膽虛氣上溢是謂膽痺凡消痺之脈

實大病久可治病人身熱如炭頸膺如格人迎躁盛喘息氣逆太陰脈微細如髮者死不治謂氣口與人迎不相應也心脈滿大癰瘰筋變肝脈小急癰瘰筋攣肝脈驚暴有所驚駭無故而瘖脈不至不治自己謂氣暴厥也氣復則已腎脈小急肝脈小急皆爲瘖肝脈併沉爲石水併浮爲風水併虛爲死併小弦爲驚腎脈大急沉肝脈大急沉皆爲疝肺沉博爲肺疝太陽急爲瘖膀胱氣也太陰急爲脾疝少陰急爲癰厥心病也少陽急爲驚膽病也脾脈沉鼓爲腸癖由飽食而筋脈橫解腸癖爲痔胃脈沉鼓濇胃外鼓大心脈小急皆爲偏枯年不滿二十者三歲死脈至而搏血衄身熱者死心肝脈小沉濇爲腸癖心脈至如喘名曰暴厥不知與人言脈至如

數使人暴驚三四日自己肺脈有餘病皮痺閉不通而生癰
疹不足病肺痺寒濕脾脈有餘病肉痺寒中陰隔塞也不足
病脾痺肝脈有餘病筋痺脇滿不利不足病肝痺腎脈有餘
病骨痺身重不足病腎痺凡陰病見陽脈者生謂病人四肢
厥惡寒多汗脈得洪大數實也陽病見陰脈者死謂病人身
熱狂躁譫言欲飲水脈得沉細微遲也

辨脈形及變化所主病證法

浮脈之狀在皮膚輕手得之重按則似有若無王於秋主脈
主風主虛乏短氣秋得之爲順春得之爲賊邪冬得之爲虛
邪夏得之爲實邪又爲微邪其病不治自愈純浮爲感風浮
弦爲虛勞浮緊爲風寒浮芤爲衄血浮滑爲風痰浮洪爲風
芤芤滯浮微爲氣不足浮緩爲風虛四肢不隨浮澹爲傷筋
咯血嗽血浮遲爲傷憊浮弱爲虛損浮濡爲氣血俱不足又
看見於何部位以藏府經絡推之餘皆倣此消息

沉脈之狀取於肌肉之下得之主藏病沉滯伏匿在寸爲心
肺鬱伏悲憂不樂在關爲肝脾不利中滿善噫臙脹濕勝則
腫滿澹泄食不化支膈肱脇滿善恐在尺則爲石水腹腫硬
以指彈之殼殼然有聲小便澀沉緊爲腸間積寒痛沉澀結
爲五氣積聚成形沉數或疾爲骨蒸沉滑爲腎消骨枯善渴
小便數純沉爲腫重足膝不利不得履地得之於陰濕之氣
沉而微天藏氣衰骨痿不能起

遲脈之狀往來極遲一息三至爲陰盛陽虛之候若手足厥

不回者死五藏氣短不能朝於氣口肺腎俱衰也

太素脈訣作肺腎俱

絕

陳無擇三因方云遲者應動極緩與人迎相應則濕寒

凝滯與氣口相應則虛冷沉積為寒為痛遲而瀉為癥瘕咽酸

數脈之狀往來急數一息六至為陽盛陰微之候寸脈見之

為熱為躁為煩左關為目赤頭疼煩滿右關為口臭胃煩嘔

逆尺中見為小便黃赤大便閉澀與人迎相應為熱與氣口

相應或為瘡

洪脈之狀大而隱指若大而散漫是謂氣衰大而浮風客於

衛欬出青黃膿如彈丸大若不出則傷肺下利得脈大利益

甚霍亂得之則吉又其脈主夏屬心

虛脈之狀浮大無力遲而且柔又如蜘蛛絲此陽氣衰少陰

獨居為多汗亡陽形氣蕭索其人不壽

散脈之狀浮而無力至數不齊渙漫不收更甚乎虛或來多

去少按之如無此氣血俱虛根本脫離之候左手軟散為陽

虛不斂右寸見之為氣耗汗出肝脈軟散色澤者當病溢飲

脾脈得之色不澤當病足胫腫尺脈見散為精氣衰耗又產

婦得之生孕婦得之死

芤脈之狀如浮而大於指面之下其形中斷又如流水不相

續或如瀉漆之形斷而倒收又似弦而軟

太素脈訣云芤脈之狀中空弦散

主吐血嘔血衄血男子失精婦人胞漏半產血崩又曰其狀

弦大弦則為減大則為芤弦芤相搏此名為革金刑木而傷

肝也。芤而滑嘔吐甚則亡血。芤而數陽陷陰中血妄行。芤而急風冷入血下血如豚肝。臍腹痛死不治。芤而弦因失血致勞傷。芤而微或散久成血枯。

濡脈之狀極軟弱如以指按水中綿如有如無。太素脈訣云諸部脈形按

之極為陰陽俱不足濕冷霧露之氣所傷為病頭重如以濕

熱之物裹首大筋軟短小筋弛長為痿弱骨不能立又為亡

津液精神不收。十便良方云精神乾急或偏枯血脈痺得之風冷濕氣也餘同前又為脛痠

枯細手足常厥冷肉理不密

微脈之狀極微或似有似無為氣血不足為虛憊亡血亡汗

小便數或白濁若微數為陰虛客陽內熱穀氣少也若在尺

部腎脂枯髓不滿骨若在左關則肝氣血不足目視眈眈筋

緩弱若在右關則虛滑泄注穀不化腸鳴及漿粥不入胃若

在右寸則為肺損背寒口中如含霜雪欬嗽肌疎不可以風

短氣若在左尺為心虛恍惚憂思不樂多恐如人將捕之若

六部俱微則陽不及四肢足脛冷手足厥常欲湯火煖之

陳無擇三因方云微者極細而軟似有若無與人迎相應則

風暑自汗與氣口相應則微陽脫泄入裏病脈微為虛為弱

為衄為嘔為泄為亡汗為拘急微弱為少氣為中寒

革脈之狀渾渾革至如湧泉謂出而不返也為陰氣隔陽又

為溢脈蓋自尺而出上於魚際亦謂之離經無根本也又覆

脈之狀自寸口下退過而入尺皆必死之脈也

伏脈之狀重於沉指下尋之方得蓋時見時隱也。太數脈訣云伏脈之

狀其形沉伏
隱隱其位

此陰陽之氣相伏也或陰中伏陽陽中伏陰脈

疾為伏陽內熱身雖寒而不欲蓋衣服遲小有來無去此伏
陰在內陽氣不得入也其人身雖熱而但欲覆被向火脈實
者有伏氣在內濇者有動氣在左則左病在右則右病在尺
則居臍上下居臍上為逆居臍下為從

牢脈之狀如弦而實尋之則散

太素脈訣云指下尋之不動

為五勞六極

七傷之病若加數疾則發熱加短遲則發寒疾遲不常則寒
熱支體迫急情思不樂

實脈之狀舉按有力重按隱指幅幅然氣不利亦主伏陽在
內蒸熱勞倦胃氣壅塞為內癰實數為三焦閉熱大便秘實
滑為癖飲癥瘕留聚之病實大為氣盛閉塞太數脈訣實實
大作實洪

沉為藏府氣不通帶短

太素脈訣云實而短

為宿穀不化

弱脈之狀小而無力為精不足短氣表裏俱衰為暴下陰併
於陽汗出不止者死又為脚弱筋緩足不能履地惡寒不可
出風

細脈之狀細細似線

太素脈訣云其形細微

陰氣勝陽也又為手足寒

氣少慘慘不舒暢又血不榮於四肢謂寒則澀而不流行也
太素脈訣云又主冷洩痢

緩脈之狀不遲不疾一息四至往來得中實得

上氣太素

脈訣云緩脈之狀如柳葉也

緩甚為病四肢不收受濕而痺緩而沉脾氣

滯志意不舒展氣痞多噎緩而濇肌肉不仁津液不流行榮
衛失度因以致風緩而微為消氣緩而滑為熱中多食緩而

短穀不化爲溘泄緩而浮爲風譫曳 陳無擇三因方云緩者浮大而軟去來微遲與人迎相應則風熱入藏與氣口相應則怒極傷筋緩而在下爲風爲寒爲弱爲痺爲疼爲不仁爲氣不足爲眩暈緩而滑爲熱中緩而遲虛寒相搏食冷則咽痛

瀉脈之狀往來極瀉如水不能流或聚於指下或綿綿如瀉漆斷而倒收又似止非止

太素脈訣云瀉脈之狀如刀口到指不離其所

主男子亡

血失精婦人胎妊不成月候疑澀或崩傷不止五帶敗血在腹或血瘕成形筋急寒痺浮瀉爲肺病咯血欬嗽虛勞瀉中時弦爲金木相剋脇下痛不得臥者死在左寸爲心痺寒慄病積洩血在左尺爲病小腹積氣在右關則病心腹時滿在

左關則病筋急積寒

結脈之狀大小不定往來不拘數至時一止主氣不流行腹中癥癖氣塊成形或因大病後亡津液亡血或驚恐神散而精不收或夢漏亡精又多慮而心氣耗也若無是因則其人壽不過一二年

代脈之狀其來如斷絕而相待其息以至時搏而動主血氣虧損或驚憂積甚形氣不相得也

滑脈之狀指下如水之流或如轉珠而滯礙

太素脈訣云不緩不洪不實如

珠之

形主嘔吐主飲滑而弦細者爲支飲欬逆倚息面浮腫滑

而緊停寒積飲吞酸腸間漉漉有聲滑而弦留飲在胃頭痛而眩滑而數爲中暍甚則爲瘧手足慄癢搖擗也滑而緩熱

中消穀引食滑而細沉為消渴帶微為消中不渴小便數滑實為氣盛上熱滑大而數為心氣熱越多汗滑而微小為多盜汗在尺滑為狐風疝在右手寸口為肺風疝在右關則為脾風疝在左關則為肝風疝

緊脈之狀如按繩繳指三部通度與弦相似而有力舉按皆有餘主中寒腹痛切急在寸口則中寒口噤頭痛惡寒欲得覆被火灸在關上則胃冷吞酸中脘臍腹痛下利筋寒或轉筋霍亂欬嘔膽汁緊數為冷熱痢下膿血或身熱飲食如故有病處則結癰疽在尺為寒疝痛

促脈之狀自尺上寸口促急有來無去

太素脈訣作有來時止復來

此榮

衛無度數陰氣促陽也又腎氣離經升而不降又為無陰而陽無以繫也若時氣促數上出寸口此陽併於血病赤斑十死一生若脈見斷絕為黑斑獨陽攻藏氣絕死不治

動脈之狀鼓動而暴於指下不常氣血相乘搏擊而動也或鼓於陽則一陽為鈎如夏脈之盛或鼓於陰一陰為毛如秋氣之急切勁烈鼓陽勝而急曰弦陰緩而陽急也鼓陽至而絕曰石陽辟而陰孤也陰陽相過曰溜氣相鼓作而動也

弦脈之狀如張弓弩弦應指有力重按則軟弱

太素脈訣云狀如琴弦

主春氣主肝藏主虛主痰主瘧主勞弦而微氣不足筋緩不榮弦急似數非數綿綿之狀勞傷氣促急四肢煎厥無首尾而促疾虛勞不足弦弱而疾夜多盜汗弦短而大榮衛勞傷內急外緩兼數則熱目視眩暈血不足也兼遲則寒筋脈急

學弦濇因失血女子則月閉血瘦弦緊為虛寒裏急寒疝少腹痛面青下利弦遲而濇出入無首尾為寒閉血少筋乾急

太素脈訣或偏枯血脈痺得之風冷濕也十便良方云沉而微五藏氣衰骨痿

起不能

短脈之狀往來極短不待息盡而回或無首尾但見於指面

亦不待氣來而至其人短氣息或不能長息又為大下脫氣

又主久病

長脈之狀往來指下息隨而盡其有餘如操帶物之長太素脈訣

云長脈之狀往來至長稟賦氣強勝血而氣擁其人壽若加大而數為

病陽盛內熱當利三焦

全生指迷方卷一

全生指迷方卷二

寒證

論曰若其人洒淅惡寒但欲厚衣近光隱隱頭重時痛鼻塞塞濁涕如膿欬嗽動輒汗出或無汗甚則戰慄此由寒中於外或由飲冷傷肺胃內外合邪留而不去謂之感寒寒從外至者兩手寸口脈俱緊或但見於右寸寒從內起者其脈遲小無汗者小青龍湯主之小汗者溫肺湯主之

小青龍湯

五味子 細辛去苗 乾薑 半夏湯洗七遍 甘草炙各一兩

右為散每服五錢水二大盞薑三片棗一箇擘破同煎至

八分去滓溫服

温肺湯 方缺

若陰寒積冷心腹大痛嘔逆惡心手足厥冷心胃不快腰背疼痛良薑湯主之

良薑湯

高良薑 一兩剉碎炒 官桂 一兩去皮 當歸 去蘆一兩剉炒 乾薑 一塊

人參 一兩去蘆 吳茱萸 七錢半炒 白茯苓 一兩 附子 半兩炮

右為散每服二大錢水一盞半入生薑五片煎至七分去

滓空心服

若但寒頭重動眩暈肌肉痛牽急不得轉側黎黎汗出惡寒小便難大便反快短氣足寒或時咽痛微熱此由寒濕客搏經脈不得發泄其脈遲緩而小弦附子湯主之除濕湯亦主

之

附子湯

附子 一箇炮去皮臍 白朮 一兩炒 茯苓 白芍 各三兩 人參 二兩

右為散每服二大錢水一盞半入生薑三片煎至七分去

滓空心服

除濕湯 方缺

熱證

論曰陰不足則陽偏陽偏則發熱若熱從背起自手足漸漸周身口舌乾燥欲飲食而不能此由陰氣虧少少水不能制盛火諸陽起於四末循行於背陰不能斂陽陽氣獨行所以發熱或晝發而夜寧或夜發而至旦即消其脈虛疾而小芍

藥黃耆湯主之

芍藥黃耆湯

芍藥三錢

黃耆

甘草炙

青蒿

陰乾各一兩

右為散每服五錢水二大盞煎至一盞去滓食後溫服

若熱從腹起上循胸腋繞頸額初微而漸至大熱發無時遇

饑則劇中腕不利善食而瘦其色蒼黃肌肉不澤口唇乾燥

由脾氣素弱會因他病悞服熱藥入於脾脾熱則消穀引飲

善消肌肉其脈濡弱而疾參橘丸主之若嗽者用加減法及

炙脾膈百壯

參橘丸

橘皮三兩洗

麥門冬去心

人參

去蘆各一兩

右為末煉蜜為丸如梧桐子大食前米飲下二十九若嗽

加五味子一兩

若熱從腹中或從背起漸漸蒸熱日間劇夜漸退或寐而汗

出小便或赤或白而濁甚則頻數尿精夜夢鬼交日漸羸瘦

由思慮太過心氣耗弱陽氣流散精神不藏陰無所使治屬

虛勞大建中湯主之

大建中湯

芍藥六兩

黃耆

遠志去心

當歸洗

澤瀉

各三兩

龍骨

人參

甘草

炙各二兩

右為散每服五錢水二盞棗二箇擘破薑五片同煎至一

盞去滓食後溫服腹中急加錫如棗大

若自腰以上發熱熱及則汗出出已而涼移時如故復加昏
暈腹中膨脹其氣上攻時時欬嗽引脇下牽痛睡則驚悸
其脈弦急疾由外寒客搏內冷相合寒則氣收而水液聚內
化成飲醫以熱藥攻寒寒閉於內熱增於上陽氣不下行故
散越於上發而為熱散而為汗汗多亡陽心氣內虛故令驚
惕治屬飲家以旋覆花丸主之

旋覆花丸

旋覆花 桂心

枳實炒

人參各五分

乾薑

芍藥

白朮各六分

伏苓

狼毒

烏頭炮去皮

礬石火煨一分

甘遂三分炒

細辛去苗

大黃濕紙裏煨

黃芩

葶藶炒

芫花炒

橘皮洗

吳茱萸炒

厚朴

去皮薑汁炙各四兩

右為細末煉蜜為丸如梧桐子大米飲下三丸未效加至
七丸小兒黃米大二丸

若熱起骨間煩疼手足時冷早起體涼日晚即熱背脊牽急
或骨節起凸足脛酸弱由陰不足而陽陷陰中熱留骨髓髓
得熱則稀髓稀則骨中空虛陰虛水少脂枯故蒸起其脈沉
細而疾治屬骨蒸補髓丸主之

補髓丸

生乾地黄

日乾三兩

乾漆

半兩碎炒令烟盡

右為末煉蜜為丸如梧桐子大飲下三十丸空心臨卧服
若自胃以上至頭發熱口鼻氣色時如烟薰目澀咽燥唾如

凝脂時欬毛竦大便不利小便赤由肺不調邪熱薰上焦其脈疾大先服桔梗湯熱不退者五味子湯主之

桔梗湯

桔梗一兩 人參 麥門冬去心 甘草灸各半兩 小麥合一

右咬咀水三升煎至一升去滓分三服

五味子湯 指南方治發熱不退

柴胡去苗洗四兩 半夏湯洗七遍一兩一分 黃芩 五味子

赤茯苓原分兩

右為散每服五錢水二盞薑五片棗二箇擘破同煎至一

盞去滓溫服

若但熱不歇日晡尤甚口中勃勃氣出耳無所聞晝多昏睡

睡即浪言喜冷小便赤澀大便不通由三陽氣盛蘊於經絡

內屬府藏或因他病而致疾其脈短疾而數柴胡芒硝湯主

之

柴胡芒硝湯

柴胡四兩洗去苗 黃芩 甘草灸 赤茯苓各一兩半

半夏湯炮七遍一兩一分

右為散每服五錢水二盞生薑五片棗二箇擘破同煎至

一盞去滓入芒硝一錢攪和溫服以大便利為度

若身大熱背微惡寒心中煩悶時時欲嘔渴不能飲頭昏重

痛惡見日光遇涼稍清起居如故由飲食失時胃中無穀氣

熱蓄於胃中中脘熱則三陽不下降而上聚於腦又胃主陽

明經爲惡熱其脈虛大而數久則細小謂之中暑初卽服好
茶一杯立愈不卽治之留而在胃別致他病生薑竹茹湯主
之

生薑竹茹湯

竹茹雞子大

人參半兩

葛根半兩

生薑一錢切

右爲散水三盞煎二盞去滓分二服不拘時

若間日發熱發必數次頭痛拘倦由肺素有熱氣盛於身厥
逆上衝中氣實而不外泄其氣內藏於心外舍於分肉之間
令人消燂脫肉其脈弦大而數謂之痺瘧柴胡栝樓湯主之
柴胡栝樓湯

柴胡去苗洗八錢

芍藥

人參各二錢

半夏湯洗七遍二錢半

甘草炙二錢

栝樓二錢

右以咀水二升生薑十片棗二箇擘破同煎至一升分三
服去滓服 大熱者去芍藥栝樓用黃芩二錢卽名小柴

胡湯

若身熱汗出煩滿不爲汗解由太陽之經先受風邪與熱相
搏腎氣厥則煩滿謂之風厥澤瀉湯主之

澤瀉湯

澤瀉半兩

白朮

防風各二兩

石膏研

赤茯苓各一兩

右爲散每服五錢水二盞煎至一盞去滓溫服

若四肢發熱逢風如炙如火由陰不勝陽陽盛則熱起於四
支少水不能滅盛火而陽獨治於外以免絲丸主之

兔絲子丸

兔絲子

先於白內杵百下篩去雜物末

五味子

各一兩

生乾地黄

一兩

右為末煉蜜和丸如梧桐子大飲下三十粒食前溫服

若發熱耳暴聾頰腫脇痛胎不可以運由少陽之氣厥而熱留其經宜小柴胡湯若口乾渴赤腹滿心痛由熱留於手少陰之經其氣厥也赤茯苓湯主之

赤茯苓湯

赤茯苓

四兩

甘草

生一兩

木香

半兩

右為散每服五錢水二盞煎至一盞去滓溫服

風食

論曰若其人翁翁如熱淅淅如寒無有時度支節如解手足

酸痛頭目昏暈此由榮衛虛弱外為風邪相乘搏於陽則發熱搏於陰則發寒久不治成勞氣荆芥散主之

荆芥散

荆芥穗

人參

白朮

當歸

切細焙

黃耆

芍藥

桂

去皮各一兩

柴胡

去苗二兩

甘草

炙半兩

右為末每服五錢水二盞煎至一盞去滓溫服

若忽然牙關緊急手足痠癱目直視此風客血經謂之風痙脈緊大者不可治獨活湯主之

獨活湯

獨活

半兩

荆芥穗

一兩

右以水三盞煎荆芥汁至一大盞再入獨活煎一半去滓

麻黃去根節三兩 桂心二兩 甘草炙一兩 杏仁湯洗去皮尖半兩

白木四兩

右為散每服五錢水二盞煎至一盞去滓溫服

薏苡仁湯

麻黃去根節三兩 杏仁去皮尖半兩 甘草炙 薏苡仁各一兩

右為散每服五錢水二盞煎至一盞去滓溫服

甘草附子湯

甘草炙二兩 附子炮去皮臍一兩

右為散每服五錢水二盞煎至一盞去滓溫服

瓜蒂散

瓜蒂 細辛去苗 藜蘆去苗各等分

右為細末每用半字許內鼻中以氣通為度

防已湯

防已四兩 黃耆四兩 甘草炙二兩 蒼朮去皮三兩

右為散每服五錢水二盞薑二片棗一箇擘破同煎至一

盞去滓溫服

瘧疾

論曰寒熱之病或寒已而熱或熱已而寒或寒熱戰慄頭痛如破身體拘急數欠渴欲飲冷或晡時而發或間日而作至期便發發已即如常此謂之瘧瘧脈自弦弦數多熱弦遲多寒此皆得之於冬中風寒之氣藏於骨髓之中至春陽氣大發邪氣不能自出因遇大暑而後與邪氣相合而發常山湯

主之

常山湯

常山

知母

甘草

炙各三兩

麻黃

去節一兩

右為散每服五錢水二盞煎至一盞去滓溫服以糜粥一

盃助取汗為度

熱多者宜解之栝樓湯主之

栝樓湯

栝樓根

四兩

柴胡

去苗八兩

人參

黃芩

甘草

炙各三兩

右為末每服二錢水二盞生薑三片棗一箇擘開煎至一

盞去滓溫服

寒多者宜溫之薑桂湯主之

薑桂湯

乾薑

牡蠣

火煨通赤

甘草

炙各二兩

黃芩

二兩活人書用三兩

柴胡

去苗八兩

栝樓根

四兩

桂

去皮取心三兩

右為末每服五錢水二盞煎至一盞去滓溫服不拘時候

寒熱等者宜調之鼈甲湯主之

鼈甲湯

鼈甲

湯浸刮令淨醋炙

白朮

常山

桂

去皮

柴胡

去苗

各一兩

牡蠣

半兩火煨赤

右為散每服五錢水二盞煎至一盞去滓溫服

痺證

論曰若始覺肌肉不仁久而變生他證病名曰痺此由風寒

濕三氣客於經絡舍於血脈搏於榮衛故令皮膚痺而不仁
有熱則肌肉骨節煩疼有寒則冷以春得之在筋夏得之在
脈秋得之在皮冬得之在骨四季得之在肌肉又久而不去
各傳其藏筋痺不已舍之於肝夜臥則驚飲食多小便數上
為引如懷妊脈痺不已舍之於心其脈不通煩滿心下鼓暴
上氣肌痺不已舍之於脾其狀四肢懈惰發渴嘔汁上為大
寒皮痺不已舍之於肺其狀煩滿而喘嘔骨痺不已舍之於
腎其狀善脹尻以代踵脊以代頭右證雖多必先肌肉不仁
其始治當以增損小續命湯證狀小不同者當依本法病久
入深魯公酒主之

增損小續命湯 方缺

魯公酒

茵芋

川烏頭

炮去皮臍

躑躅花

天雄

炮去皮臍

防已

石斛

去根各一兩

細辛

去苗

栝子仁

牛膝

去苗

甘草

通草

桂

去皮取心

山茱萸

秦艽

去苗土

黃芩

茵陳蒿

瞿麥

附子

炮去皮

杜仲

去皮

澤瀉

王不留行

石楠葉

防風

生乾地黃

各半兩

遠志

去心

右咬咀酒四斗漬十日每服一合常令酒氣相續

若胃乾而渴肌肉不仁由居處卑濕以水為事肌肉濡漬痺而不仁是謂肉痿罌粟湯主之

罌粟湯

罌粟 不計多少

右研細末煮稀粥入蜜飲之大解金石毒

若一邊足膝無力漸漸瘦細肌肉不澤上牽脇肋下連筋急不能行步此由大病之後數亡津液血少不榮氣弱不運肝氣虧損無血以養筋筋不榮則乾急而痛亦不能舉活血丹主之

活血丹

乾地黄 兩 當歸 洗

芍藥

續斷

白木 各一兩

右為細末酒糊為丸如梧桐子大酒溫下三十丸食前服加至五十九丸如痛甚足痿不能行去木加杜仲一兩乳香葳靈仙木鼈子仁草烏頭白芥子各半兩

鹿茸丸

鹿茸 去毛切作片子酥炙五兩 乾地黄 兩

兔絲子 揀淨酒浸透乘潤搗爛焙二兩

杜仲 去粗皮搗爛酒拌炒乾二兩 牛膝 兩

萆薢 兩 附子 炮去皮臍半兩

乾漆 半兩炒烟盡為度

右為細末酒糊為丸如梧桐子大飲下三十丸食前服

若始覺脚弱速灸風市三里二穴各一二百壯若覺熱悶慎不可灸大忌酒麪房勞 風市穴使病人平立垂兩手合手著腿中指尖頭卽是穴三里穴在足膝蓋下三寸外廉按之陷中是又法以指深按之則足趺陽脈不見為準

勞傷

論曰古書有五勞六極七傷皆由勞傷過度或五藏六府互

相尅賊一藏偏損五行逆伏以至盡絕皆謂之虛勞也
若日頓羸瘦短氣腰背牽急膝脛酸痿小便或赤或白而濁
夜夢紛紜或夢鬼交翕翕如熱骨肉煩疼由房勞過度或思
慮過多皆傷神耗精之由得之心腎其脈細促大骨枯者不
治微弱者可治脈大數甚不能食者死大建中湯主之

大建中湯 見前發熱門

氣病

論曰百病皆生於氣其始必由喜怒悲憂驚恐由是變生形
證不一若其氣起於一邊或左或右循行上下或在肌肉之
間如錐刀所刺其氣不得息令人腹中滿由驚恐恚怒或冒
寒熱留而不去為鬱伏之氣因氣流行隨經上下相搏痛久

久令人痞悶其脈短澹謂之聚氣七氣湯起痛散主之

七氣湯 楊仁齊直指方云治七情相干陰陽升降氣道壅
滯攻衝作疼

京三稜 蓬莪茂 青橘皮 香附子 去毛

陳橘皮 洗 桔梗 藿香葉 桂心 取 益智 各一兩半

甘草 炙三錢胡氏經効方有沉香半兩無陳橘皮

右為散每服五錢水二盞生薑二片棗二枚煎至一盞食
前溫服

起痛散 可用方云治氣搏作痛肌肉之間如錐刀所刺胸
膈痞悶

蓬莪茂 炮 桂心 各一兩 檳榔 附子 炮去皮臍 細辛 去苗各半

兩芫花炒別爲末一錢

右除芫花外共爲末每服三大錢水一盞煎至七分去滓調芫花末一字溫服

若心下似硬按之即無常覺膨脹多食則吐氣引前後噫氣不除由思慮過多氣不以時而行則氣結又曰思則心有所存神有所歸正氣留而不行其脈澀滯謂之結氣參橘湯主之

參橘丸

橘皮四兩洗人參兩一

右爲細末煉蜜和丸如梧桐子大每服三十丸食前服若咽中如核嚥之不下吐之不出久不治之漸妨於食或由

思慮不常氣結不散或因飲食之間氣道卒阻因而留滯因氣者謂之氣噎其脈緩澀因食者謂之食噎其脈短澀氣噎嘉禾散主之食噎神麴丸主之

嘉禾散方缺

神麴丸

神麴炒一兩橘皮洗二兩

右爲細末煉蜜和爲丸如雞豆大每服一粒含化嚥津若痛而遊走上下無常處脈亦聚散或促或瀯謂之遊氣茂香散主之不止者延胡散主之

茂香散

蓬莪茂炮一人參分一木香錢一

右爲細末醋湯調方寸匕

延胡散

延胡索炒 當歸洗等分

右爲細末醋湯調方寸匕

若自咽嗑以下至臍左右氣各不相通氣上奔急攻右臂痛如斧槌肌肉日消漿粥不下心中懊悶由肺經本受寒邪留於右邊以肺左右或因以大熱藥攻寒寒本在於經而不能散發於是火氣但逼於肺肺燥則氣上迫但解藥毒然後理肺先宜炙肝散後宜理氣湯

牡丹皮 柴胡 芍藥各一兩 白朮二兩

右爲細末用猪肝三指許薄批糝藥末二錢慢火炙熟細

嚼米飲下食前服

理氣湯疑卽前七氣湯

栝子仁丸 史載之指南方多楮實一兩治臂痛不能屈伸筋脈攣拘

栝子仁炒研 乾地黄各二兩 茯苓 枳實麩炒去瓢 桂取一

五味子 附子炮去皮臍 石斛去苗 鹿茸去毛截作片子酥炙

酸棗仁 覆盆子 沉香 黃耆各一兩

右爲細末煉蜜和丸如梧桐子大酒下三十丸空心服

若腹脇有塊大小成形按之不動推之不移久久令人寒熱如瘧咳嗽面目浮腫動輒微喘日就羸瘦由暴怒或驚恐氣

上而不下動傷於肝氣結聚成形始得之在肝其脈牢大而結不傳可治沉香煎主之

沉香煎

石斛五兩

椒去目炒出汗

附子

炮去皮臍

秦艽

去土

鼈甲

煮刮去筋膜炙

柴胡去苗

沉香

木香

檳榔

黃耆

各二兩

右爲末先用枸杞根新者十斤淨洗槌碎好酒二斗煮至七升取出枸杞別用好酒三升拍洗令淨漉去滓瀉過併於前煎酒內更入熟蜜四兩再熬成膏和藥末丸如梧桐子大飲下二十丸食前服

血證

論曰諸陽統氣諸陰主血陰盛則陽虧而陽病陽盛則陰虧

而陰病陽氣侵陰血失常道故或吐或衄或從口或從鼻若暴出而色鮮心煩燥悶時欲引飲出至三斗陽入於陰也血得熱則流散譬如天地之經水天暑地熱則經水沸溢而壅起故有內衄肺疽其證大同而小異其脈洪數者爲逆微小者爲順宜梔子蘘皮湯煎金湯大熱者宜地黃煎若吐血時先聞腥臊鼻出清液胃脇支滿妨於食目眩時時前後血此由素經大奪血或醉入房中氣竭傷肝女子則月事衰少不來病名血枯梔子蘘皮湯主之

梔子蘘皮湯

黃蘗

梔子

各一兩

甘草

半兩

右爲散每服五錢水二盞煎至一盞去滓溫服

煎金湯

金花并莖葉陰乾不拘多少

右濃煮汁頓服立定

地黃煎

生地黄汁斤半

大黃末一兩

右將地黃汁熬耗一半內大黃末同熬候可丸如梧桐子

大熟水下五粒未效加至十粒

若吐血服湯後轉加悶亂煩躁紛紛欲嘔顛倒不安由胸上有留血其脈沉伏急須吐之人參散主之

人參散

人參 蘆

右為末水調下一二錢

若血隨嘔出胸中痞悶嘔畢則目睛痛而氣怒由怒氣傷肝膽血隨嘔出竹皮湯主之

竹皮湯

青竹皮

甘草炙

芎藭

黃芩

當歸

洗各六分

芍藥

白朮

人參

桂心

各一兩

右為散每服五錢水二盞煎至一盞去滓溫服

若先吐血血止後嗽嗽中血出如線痛引脇下日漸羸瘦由悲憂傷肺肺主諸氣血常隨之氣傷則血無以運故橫流而暴出後隨病而上下也其脈緩小者可治細數加急者不可治黃耆湯主之

黃耆湯

黃耆

蜜炙一兩

白朮

炒二兩

人參

甘草

炙各一兩

白芍

一兩

陳皮

半兩

藿香

半兩

右為散每服四錢水一盞半煎至七分去滓溫服

若衄血吐血發作無時肌肉減少由氣虛弱或從高墮下勞傷所致其脈虛弱當補陰平陽阿膠散主之

阿膠散

阿膠

蛤粉拌炒一兩半

杏仁

炮去皮尖七錢

馬兜鈴

焙

牛蒡子

炒各一兩

甘草

炙

糯米

一兩

右為細末熟水調下一二錢

若吐血腹中絞痛汗自出胸中悶由飲食傷胃胃氣不轉氣

上衝胸所食之物與氣迫蹙因胃裂白朮湯主之

白朮湯

方缺

全生指迷方卷二

全生指迷方卷三

諸積

論曰若腹中成形作塊按之不移推之不動動輒微喘令人寒熱腹中時痛漸漸羸瘦久不治之多變成水虛勞亦由憂思驚恐寒熱得之陰陽痞滯氣結成形其脈結澀謂之積氣

萬安丸主之

萬安丸

大戟炒

甘遂炒

牽牛炒

五靈脂

各半

芫花炒一分

膽礬一錢研

細墨

燒一錢研

巴豆

去皮出油一錢

芫青

四十箇去頭去翅

斑猫二十箇去頭去翅

石膏

細研一分

延胡索

炒半兩

吳茱萸

炒半兩

右為細末白麵糊為丸如菉豆大生薑橘皮湯下一粒日

二服病去六七分即住服 史氏指南方有續隨子郁李
仁信砒各一分無延胡索巴豆 袁當時大方有砒一分
無斑猫莞青巴豆

若左脇下如覆杯有頭足久不已令人發痰瘧寒熱欬或間
日一發由肺病傳肝者當傳脾脾乘王而不受邪其氣留于
肝故結而為積其脈澀結麝香丸主之

麝香丸

蓬莪茂

炮一兩

桂心

當歸

人參

各半兩

細辛

去苗

川烏頭

炮去皮臍各一分

巴豆

一分去皮出油

右研細末白麵糊為丸如菘豆大食後飲下三粒 史氏

指南方無蓬莪茂有芍藥一兩

若心下如盤久不已令人四肢不收發黃疸飲食不榮肌膚
始由肝病傳脾脾當傳腎腎乘王而不受邪氣留於脾其脈
緩濇時結謂之痞氣三稜煎主之 孫氏仁存方云兼治食
癥酒癥血蠱氣塊血痕時發刺痛婦人血分男子脾氣橫泄

三稜煎

京三稜

剉

蓬莪茂

各四兩

芫花

一兩

右用米醋三升煮令醋盡獨炒芫花令乾餘二味切片子
焙乾同為末白麵糊為丸如豌豆大橘皮湯下三粒以知
為度

若從少腹上衝心胸咽喉發痛如狔肝狀發作欲死由脾病
傳腎腎當傳心心乘王而不受邪氣留於腎結而為積其脈

沉結謂之賁狫賁狫湯主之

賁狫湯

甘草炙 川芎 半夏湯洗七遍 芍藥 黃芩各二兩

葛根 甘李根皮各五兩

右為散每服五錢水二盞薑五片同煎至一盞去滓溫服

史氏指南方加當歸一兩 孫氏仁存方加乾薑一兩

一方當歸二兩無葛根

若脈大而散時一結謂之伏梁伏梁丸主之

伏梁丸

青皮白馬尿浸三日令軟透切三十箇 巴豆去皮十五箇與青皮同炒乾去巴豆不用 羌活

半兩

右為末白麵糊為丸如棗豆大飲下五粒未知漸加至十粒

若身體及髀股脗皆腫環臍而痛不可動動之為水亦名伏

梁椒仁丸主之

椒仁丸

五靈脂 吳茱萸炒 延胡索炒各半兩 芫花醋浸一宿炒一分

續隨子去皮研 郁李仁去皮研 牽牛炒熟各半兩 石膏火煨過一分研

椒仁 甘遂炒 附子炮去皮臍 木香各半兩 膽礬一錢研

砒一錢研

右為細末白麵糊為丸豌豆大橘皮湯下一粒早晨日午臨臥服如婦人血分則去木香加斑貓芫青各三十枚去

頭足翹炒當歸半兩

諸痛

論曰諸心腹痛者或外邪來客或氣相干其卒然痛而即止者此寒氣客於脈外得寒則縮蹇絀急外引小絡得熱即止宜先用熨法後以良薑散主之

熨法 指南方云治心腹痛卒然而止遇寒再發

鹽半斤炒極熱

右以舊帛包熨痛處指南方云漸去至一重

良薑散

高良薑五兩

厚朴

去皮薑汁塗炙二兩當歸

桂心各三兩

右為散每服五錢水二盞煎至一盞去滓溫服

若腰者腎之外候足太陽經之流注如痛連小腹不得仰俛

憊憊短氣由腎氣虛弱有所不榮補腎散主之

補腎散

杜仲

去粗皮杵碎酒拌炒焦一兩

桂皮

牡丹皮

各半兩

右為末每服三錢用猪腎一箇批開糝藥在內入鹽少許以線扎定水煮熟空心食之

若隱隱腰痛以熱物熨痛處即少緩由處舉濕復為風邪傷足太陽之經其脈緩澀白朮湯主之

白朮散

白朮

二兩

芍藥

三兩

桂皮

附子炮去皮臍各一兩剉

右為細末溫酒調二錢匕食前服

若腰痛不能轉側由勞役動傷經絡或從高墮下氣滯於腰
正氣流行相搏則痛其脈沉大小不常謂之腎腰起痛丸主
之

起痛丸 諸氣門見
起痛散

若腰如錐刀所刺大便黑色小便赤黑此留血滯於腰間謂
之血瀝腰痛其脈濇當歸丸主之

當歸丸

當歸 三兩
剉碎 水蛭 好者炒
三十箇 桃仁 去皮尖三
十個炒研

右為末酒糊為丸如梧桐子大酒下十粒未知加至三十
粒

若腰冷腹重如帶五千錢如坐於水由腎經為陰濕所逼復

受風冷久不治變成水病腎著湯主之

腎著湯

甘草 炙 乾薑 各二兩 白茯苓 白朮 各四兩

右為散每服五錢水二盞煎至一盞去滓食前溫服

若腰脊不舉由遠行勞倦逢大熱而渴陽氣內伐熱舍於腎
水不勝火則骨枯而髓減蓋陽明併腎則腎脂枯而宗筋主
束骨而利機關也是謂骨痠兔絲子丸補腎散主之

兔絲子丸

兔絲子 揀淨酒浸透
搗爛焙二兩 牛膝 酒浸
一兩 杜仲 去粗皮杵碎酒拌
一宿炒焦三兩

乾地黄 焙二兩 草薢 一兩

右為細末煉蜜為丸如梧桐子大飲下三十粒食後服

補腎散 見前

若脇痛不得息痛則欬而汗出由邪客於足少陽之絡屬膽
宜灸足小指次指爪甲上與肉交處七壯竅陰二穴也
若臂外臙痛手不及頭心煩喉痺者由邪客於手少陽之絡
以針刺手大指次指之端去爪甲如韭葉令血出而止
若臂痛不能屈伸此邪客於臂掌之間取腕踝骨後以指按
之極痛刺之留二呼急出針或灸
若筋拘攣背急痛引脇下從項推下夾脊按之應手痛者於
其上灸七壯未定加至十四壯
若痛引小腹由寒氣客於厥陰之脈或脇肋相引腎肝脈弦
天久成寒疝桂枝烏頭湯主之

桂枝烏頭湯

桂心三兩 芍藥三兩 烏頭炮去皮臍二兩半 甘草炙二兩
右為散每服五錢水二盞薑五片棗一枚同煎至一盞去
滓入蜜半匙許再煎一二沸稍熱服

眩暈

論曰頭眩之狀謂目眩旋轉不能俛仰頭重不能舉目不能
開閉則不能視物 史氏指南方云觀物如反或如浮水 或身如在車船上是謂
徇蒙招尤目暝耳聾下實上虛過在足少陽厥陰由肝虛血
弱則風邪乃生蓋風氣通於肝又曰諸風掉眩皆屬於肝左
手關脈虛弦謂之風眩香芎散桃紅散主之

香芎散

芎藭 獨活 旋覆花 藁本去苗 細辛去苗

蔓荆子各一兩 石膏研 甘草炙 荆芥穗各半兩

右為末每服五錢水一盞薑三片同煎至七分去滓溫服不拘時

桃紅散

白附子新羅者 黃丹等分

右同炒候黃丹深紫色篩出黃丹不用只將白附子為末清茶調下一錢匕

若頭眩發則欲嘔心下溫溫胸中如滿由胸上停痰胃氣不流盤鬱不散氣上騰入腦腦滿則眩關脈沉弦或謂之痰眩旋覆花丸主之

旋覆花丸見前熱證門

若但暈而不眩發則伏地昏昏食頃乃蘇由榮衛錯亂氣血溷濁陽氣逆行指南云此由邪客諸氣陰陽持厥上者不得下下者不得上下相隔離精神散亂下相隔氣復通則蘇脈虛大而澀謂之氣暈流氣飲子草烏

頭湯主之

流氣飲子

紫蘇葉 青皮 當歸洗 芍藥 烏藥

茯苓 桔梗 半夏湯洗七遍焙乾為末薑汁和陰乾

黃耆 枳實麩炒去瓢 防風各半兩 甘草炙 橘皮洗各三分

木香一分 連皮大腹剉薑汁浸一宿焙一兩 川芎三分

右為散每服五錢水二盞生薑三片棗一個同煎至一盞

去滓温服

草烏頭湯

草烏頭

去皮尖生用

細辛

去苗

茶芽

等分

右為散每服五錢水二盞煎至一盞去滓緩緩服盡

若但欲上視目瞑不能開開而眩唾出若涕惡風振寒由腎氣不足動作勞損風搏於肺腎氣不足膀胱不榮於外故使強上瞑視因其勞而受風在肺故唾出若涕而惡風謂之勞風芍藥黃耆湯主之

芍藥黃耆湯

芍藥

二兩

黃耆

三兩

川芎

二兩

烏頭

炮去皮半兩

右為散每服五錢水二盞薑三片棗一個同煎至一盞去

滓温服

厥證

論曰若暴厥卒然不知人事身脈皆動其狀如尸聽其耳中如循嘯聲股間暖由邪氣折於手足少陰太陰足陽明之絡五絡俱竭腎氣微少精血奔氣促迫上入胸膈宗氣反聚血結心下陽氣下墮陰氣卒上而不交陰陽離居身温而汗出氣復反則唇青身冷此為入藏即死謂之尸厥先以竹管吹左耳極三度又吹右耳如前灸熨斗熨兩脇以石菖蒲末著舌下及吹鼻中又刺足大指內側爪甲去端如韭葉入一分留三呼謂隱白穴也出之又刺足心湧泉穴如上法又刺足中指爪上令破如上法謂厲兌穴也又刺手大指內側去端

如韭葉又刺手心主謂中衝穴也又刺掌後銳骨之端謂神門穴也又剔取頭左角之髮燒灰酒服方寸匕不能飲灌之後太乙神精丹

太乙神精丹

方缺

若居常無苦忽然如死身不動默默不知人目閉不能開口噤不能語又或似有知而惡聞人聲或但如眩冒移時乃寤此由亡汗過多血少氣併血中氣血爭陰陽亂氣過血還則陰陽復通而人乃寤謂之鬱冒血厥此證多生婦人男子亦有之白微湯倉公散主之

白微湯

白微

一兩

當歸

一兩

人參

半兩

右爲散每服五錢水二盞煎至一盞去滓溫服

倉公散

瓜蒂

藜蘆

雄黃

研

礬石

火煨一

伏時研

右等分爲末以豆許吹鼻內醒爲度

若卒然昏冒無所知或妄言語此由暴驚心無所倚神無所歸久不治陰陽相併或陰氣併陽陽氣併陰令人九竅閉塞狀類尸厥菖蒲散主之

菖蒲散

石菖蒲

一兩

麝香

一錢

研

右爲細末酒調服二錢或飲亦得

若忽然痰癡瞋目不能語喉中有聲大便不通胸滿欲嘔或

惡人聲聞人聲則惕然而驚或時叫此得之暴驚氣積而不散伏痰聚於中脘濕漬於脾久而脾氣既耗水氣乘之則風動四末宜先吐之以勝金丸次宜玉壺丸以大便利即止有熱則脈洪數此脾鬱於心鐵粉丸主之

勝金丸

方缺

玉壺丸

方缺

鐵粉丸

鐵粉

二兩

硃砂

一兩

牛黃

研

天竺黃

研

鉛霜

研各半兩

天南星

右為末薑汁煮糊為丸如梧桐子大生薑湯下五丸

若素無疾而暴得瘕瘕發訖即如常經隔月日又復如前由

陰陽失其常度氣血相併也此謂之癰宜龍齒丸烏鴉散獨

活湯主之

龍齒丸

牛黃

研

麝香

研各半錢

羚羊角

剉

龍齒

龍骨

羊齒

火煨赤各一分

硃砂

研半兩

蛇退

炒

白僵蠶

炒各一分

右為末煉蜜和丸如梧桐子大飲下五丸臨臥服

烏鴉散

臘月烏鴉一個去足嘴大翅用麝香一錢填口內以好

紙通裏了再用鹽紙和泥團了候乾炭火燒烟盡取出

為末更入麝香一錢研和飲調方寸七日二服

獨活湯

獨活一兩

細辛去苗一分

僵蠶炒半兩

牡丹皮三分

防已半兩

紫苑去苗一分

右為散每服五錢水二盞煎至一盞去滓溫服

若病人喜怒不常獨閉戶牖而處惡聞人聲者蓋陽氣常動因暴折而難決肝膽氣鬱而不伸故令喜怒謂之陽厥宜鐵落飲無食肉及菖蒲散

鐵落飲方缺

菖蒲散見前

若言語不避親疎或棄衣而走登高而歌此思慮用心太過神散不藏又或悲哭忽忽不樂神有餘則笑為狂勝金丸主之神不足則悲露朱丹主之

勝金丸方缺

露朱丹

好硃砂一兩碎

右用真琉璃器盛之露四十九夜陰雨不算數研細入牛黃半錢研和滴熟蜜珠子丸如梧桐子大空心人參湯下一粒

若腫首頭重足不能行發則胸仆此太陽厥也烏頭湯主之

烏頭湯見前眩暈門

若喜怒嗑痛不肉食氣奔走上刺足下中央之脈血出而止

痰飲

論曰若咽中如炙肉嚮嚙之不下吐之不出由胃寒乘肺肺

胃寒則津液聚而成痰致肺管不利氣與痰相搏其脈澀半
夏厚朴湯主之

半夏厚朴湯

半夏

湯洗七遍五兩

厚朴

去皮薑汁塗炙三兩

茯苓

紫蘇葉

各二兩

右為散每服五錢水二盞生薑十片同煎至一盞去滓食

溫服

若心下盤旋欲吐不吐由飲癖停留不散枳朮湯主之

枳朮湯

白朮

四兩

枳實

麩炒去瓢二兩

右為散每服五錢水二盞煎至一盞去滓食前溫服

若腹滿按之沒指隨手而起餘與正水皆同但四肢聶聶動

其脈亦浮由肺氣久虛為風邪所客氣不得運百脈閉塞氣

結陰聚成水謂之皮水亦宜發汗先以防已湯次以大豆散

防已湯

防已

三兩

人參

四兩

桂心

二兩

茯苓

四兩

右為散每服五錢水二盞煎至一盞去滓溫服

大豆散

方缺

若欬嗽喘不得臥面浮腫脈弦急或遲由肺胃停寒水聚成
飲支乘於心氣不得下謂之支飲宜先用十棗湯瀉之後宜

防已湯主之

十棗湯

芫花

炒黑

甘遂

大戟

各等分

大棗

十枚

右先煮棗去滓內前藥末強人服一錢虛人服五分若病
不除再服得快下為度後以糜粥自養

防已湯 見前

消證

論曰消渴之病其來有二或少服五石湯丸恣慾不節不待
年高氣血衰耗石性獨存火烈焦槁精血涸竭其狀渴而肌
肉消又有積久飲酒酒性酷熱薰蒸五臟津液枯燥而血澀
其狀渴而肉不消如解五石毒者宜罌粟湯欲止渴者宜兔
絲子丸大渴而加煩熱者宜馬通散栝樓粉

罌粟湯 見前痺證門

兔絲子丸

兔絲子 不計多少揀淨水淘酒浸三宿

右控乾乘潤搗羅為散焙乾再為細末煉蜜和丸如梧桐
子大食前飲下五十粒一日二三服或作散飲調下三錢
瑣碎錄云用酒浸晒於日中二兩日一換酒用時洗去

酒濃煎湯飲

馬通散 方缺

栝樓粉 方缺

若其人素渴引水一旦不飲不渴小便日夜數十行氣乏肉
消脫此消中腎氣敗也茱萸丸主之

茱萸丸

茯苓 洗切酒浸焙 五味子 炒 山茱萸 乾山藥 等分

右爲末酒糊爲丸如梧桐子大飲下三十粒空心服

疸病

論曰黃疸之病皆屬於脾脾屬土而色黃惡濕濕勝則土氣不行而鬱故發則真色見蓋黃疸本得之濕痰熱在裏濕熱相搏身必發黃若先有留熱而後爲濕氣所加則熱多而濕少治之先導其熱若先爲濕氣所乘而後有熱則濕多而熱少治之先去其濕去其濕則熱從而去亦有因冷痞結陰加於陽上下氣不通而脾氣不行則陰氣鬱而生濕其狀胸中痞嘔逆時惡寒當先除痞利其小便則濕自去脈洪大大便利加渴者死脈微小小便不利不渴則生若病人一身悉黃四肢微腫胸滿不得臥汗出如黃蘗汁此由大汗出卒入水中所致苦酒湯主之

苦酒湯

黃耆五兩

芍藥

桂心

取心各三兩

右爲散每服五錢水二盞半苦酒半盞同煎至一盞去滓溫服

若因他病未除忽然一身面目悉黃如橘癢熱在裏也或因大熱以冷水洗之濕熱相搏薰蒸肌肉謂之黃疸藥皮湯主之茵陳五苓散主之

藥皮湯

黃蘗

黃連

黃芩

各等分

右爲散每服五錢水二盞煎至一盞去滓溫服

茵陳五苓散

茵陳一兩

猪苓

茯苓

白朮

炒各十銖

澤瀉

一兩半

桂心兩半

右為散每服五錢水一盞半煎至一盞去滓溫服

若心下懊痛足膝脛滿小便黃面發赤斑由大醉當風入水

濕加於熱內蒸脾氣謂之酒疸治屬飲家茯苓半夏湯主之

茯苓半夏湯

茯苓四兩

半夏

二錢半湯洗七遍

旋覆花

三錢

甘遂

剉末炒一錢

右以咀水二盞煎至一盞去滓將甘遂末分二服用藥汁

半盞調服以利為度

若脈浮腹滿欲嘔吐者先吐之瓜蒂散主之脈沉腹滿大便

秘先利之大黃丸主之

瓜蒂散

瓜蒂

赤小豆

秫米

等分

右為細末粥飲調方寸匕以吐為度

大黃丸

大黃

煨

葶藶

各等分

右為細末煉蜜和丸如梧桐子大蜜湯下十粒以利為度

全生指迷方卷三

全生指迷方卷四

欬嗽

論曰古書有欬而無嗽後人以欬嗽兼言之者蓋其聲響毫不因痰涎而發謂之欬痰涎上下隨聲而發謂之嗽如水之漱蕩能漱其氣也諸欬之原其來雖各不同其氣必至於肺而後發若非其時感邪而發欬者固因藏氣虛弱抑或五行之氣內相剋制病作卽治無使傳注不卽治之傳注他藏遂至不起然有因寒者因風者因熱者風寒從外至熱則從內起風寒則諸經自受其邪熱則臟腑薰蒸乘而爲病風則散之寒則溫之熱則調之瀉之因風者惡風出風中則欬甚因寒者遇寒則劇因熱者得熱則發若因外感風寒不卽治之

邪氣留淫日深攻傷藏氣一藏受極遂傳其所不勝如肺經受病久而不去欬則右脇痛不可轉側遂傳之肝肝屬木肺屬金金剋木欬引左脇不可臥臥則欬劇遂傳之脾脾土也為木來剋則大便鴨溏甚則瘕瘕如癩狀次傳之腎腎屬水為土所剋則骨痠不能起於牀手足浮腫次傳之心則死若因藏氣自相薰蒸如心乘於肺急補肺而瀉心補肺宜辛甘瀉心宜苦若脾熱薰蒸但瀉其脾治以甘平調肺以辛溫謂之間傳學宜知此

若肺欬惡風脈浮小青龍湯主之

惡寒脈緊杏子湯主之

微弱者鐘乳丸主之

惡熱喉燥脈數甚則咯血天門冬湯杏子湯主之 孫氏仁

存活法秘方肺欬之狀喘息有音甚則咯血

小青龍湯 見前寒證門

杏子湯

杏仁 去皮尖 乾薑

細辛 去苗

甘草 炙各半兩 五味子

桂心 各一兩

右為散每服五錢水二盞棗一箇同煎至一盞去滓溫服痰多者加半夏兩湯洗七遍

鍾乳丸

鍾乳 銀石器內煮一伏時研一伏時 紫苑 去苗及枯燥者半兩 桑白皮 一分剉

款冬花 黃耆 各半兩

右爲細末煉蜜和丸如梧桐子大飲下三十九食前服

天門冬湯

天門冬去心

紫苑去苗及枯燥者焙

知母焙各一兩

桑白皮

五味子

桔梗各半兩

右爲散每服五錢水二盞煎至一盞去滓溫服欬血者阿

膠半兩炒燥大便澀而喘加葶藶半兩

若心欬脈浮惡風桂心湯主之

惡寒時口噤脈緊大附子細辛湯主之

惡熱脈疾小便赤澀茯苓湯主之

桂心湯

孫氏仁存活法秘方云心欬之狀上引心痛喉介

介然如梗甚則咽喉腫痛脈浮惡風宜桂心湯

人參

桂心去

白茯苓各一兩

麻黃

貝母

炒各半兩

遠志

去心

甘草

炙各一分

右爲散每服五錢水二盞煎至一盞去滓溫服

附子細辛湯

附子

炮去皮臍

細辛

去苗各半兩

人參

菖蒲

各一兩

甘草

炙半兩

五味子二兩

右爲散每服五錢水二盞煎至一盞去滓溫服

茯苓湯

茯苓

麥門冬

去心

黃芩

各一兩

秦艽

去土

柴胡

去苗各半兩

杏仁

去皮尖一分

右爲散每服五錢水二盞煎至一盞去滓溫服

若肝欬惡風脈浮弦射干湯主之 孫氏仁存活法秘方云
肝欬之狀欬則兩脇痛甚則不可轉側轉側兩脇下滿
惡寒脈弦緊五味子煎主之

惡痛脈疾目赤頭眩百部丸主之

射干湯

射干

麻黃

去根節 各半兩

五味子

半夏

湯泡七遍 各一兩

款冬花

二兩

右為散每服五錢水二盞薑五片同煎至一盞去滓溫服

五味子煎

五味子

五兩

桂

取心 一兩

川烏頭

炮去皮 一兩

右為末水五升煎至一升絞取汁用好蜜二兩再熬成膏

溫酒化彈子大食前服

百部丸

百部

八兩為細末

生地黄

五斤取汁熬成膏

右將地黄膏和百部為丸如梧桐子大饒下三十粒食後

服

若脾欬惡風脈浮緩麻黃厚朴湯主之 孫氏仁存活法秘

方云脾欬之狀欬則右脇下痛引肩背痛甚則不可以動動

則欬劇

口中如含霜雪中腕隱隱冷惡寒脈緊弱溫中丸主之

大便堅從腹上至頭發熱脈疾茯苓丸主之

麻黃厚朴湯

厚朴去皮薑汁塗炙麻黃去根節杏仁去皮尖橘皮洗各一兩甘草炙

半夏湯洗七遍各半兩

右為散每服五錢水二盞薑五片同煎至一盞去滓溫服

溫中丸

乾薑湯洗七遍半夏湯洗七遍各一兩白朮二兩細辛去苗胡椒各半兩

右為細末煉蜜和丸如梧桐子大米飲下三十粒食前服

茯苓丸

茯苓各一兩黃芩各一兩五味子半兩半夏湯洗七遍切薑汁浸焙三分

橘皮洗一兩桔梗半兩

右為細末煉蜜和丸如梧桐子大米飲下三十粒食後服

若腎欬惡風脈浮白前湯主之 孫氏仁存活法秘方云腎

欬之狀則腰背相引疼痛

惡寒唾冷沫小便數脈緊椒紅丸主之

惡熱骨間煩疼地骨皮湯主之

白前湯

白前去苗細辛去苗川芎 五味子各一兩麻黃去根節

芍藥 桂取心各半兩

右為散每服五錢水二盞煎至一盞去滓溫服

椒紅丸

椒去目炒出汗半兩款冬花 紫苑去苗及枯燥者乾薑各一兩

礬石火煨一伏時附子炮去皮臍細辛去苗皂莢去子酥炙各半兩

右為細末煉蜜和丸如梧桐子大米飲下三十粒食前服地骨皮湯

地骨皮

百部

各二兩

芍藥

赤茯苓

各一兩

右為散每服五錢水二盞竹葉十片同煎至一盞去滓食後溫服

若顴骨赤大如錢日晡發熱者死若潮熱有時五心煩熱搏於榮衛不欬者易治脈促澹者難治青蒿煎柴胡芍藥湯主

之

青蒿煎

青蒿

汁一升

人參

麥門冬

去心各一兩

右將二味為末用青蒿汁同熬成膏丸如梧桐子大飲下

二十粒食後服

柴胡芍藥湯

柴胡

去苗

芍藥

各一兩

地骨皮

石膏

各半兩

右為散每服五錢水二盞小麥五十粒同煎至一盞去滓

食後溫服

若但嗜臥飲食不榮肌膚或不能食心腹虛脹滑泄背脊牽急勞倦不能動止或因大病後或因下利後不復常得之於脾脈弦大甚者不治四肢煎厥亦謂之內極炙肝散白朮丸主之

炙肝散

見前氣證門

白朮丸

白朮

橘皮

洗各厚朴

去皮薑汁

人參

各半

右為細末煉蜜和丸如梧桐子大米飲下三十九

若欬嗽如膿涕或微喘急短氣脇下痛皮膚乾燥動則欬極由形寒飲冷傷於肺經久嗽不已則肺枯燥令人先寒後熱脈弱者可治或緊或弦者不可治

喘證

論曰凡人一呼一吸謂之息呼出心肺吸入腎肝呼吸之間脾受其氣則榮衛行陽二十五度行陰亦二十五度而周身之氣無過不及若藏氣乘併則榮衛不能循常氣過周身失度不能隨陰陽出入以成息故促迫而喘諸氣併上於肺肺管隘則氣爭而喘也其始或因墜墮恐懼恐則精却精却則

上焦閉而氣不行氣不行則留於肝肝乘於肺此喘出於肝也或因驚恐驚心心無所倚神無所歸氣亂而氣乘於肺此喘出于心也或因渡水跌仆腎氣暴傷腎氣乘肺此喘出於腎也或因飽食過傷動作用力穀氣不流行脾氣逆而乘肺此喘出於脾也團參散主之

若喘而發熱頸脈皆動日漸瘦削由客熱乘肺或因飲食失宜氣不轉而氣急悞服熱藥火氣薰肺而遂喘頰赤咽燥其脈細數治屬骨蒸小建中湯天門冬湯主之

團參散

人參

桑白皮

剉炒

大腹皮

剉炒

麥門冬

去心

橘皮

洗一兩

吳茱萸

炒

檳榔

剉炒

芫花

炒

附子

炮去皮臍

澤瀉各半兩 半夏一兩 訶子炮去核半兩 杏仁去皮尖研

桂心各一兩 枳實麩炒去瓢半兩 白木半兩

右為細末薑汁煮糊為丸如梧桐子大米飲下二十粒食

前服

小建中湯

芍藥六兩 桂心三兩 甘草炙二兩

右為散每服五錢水一盞生薑三片棗二箇同煎至一盞

去滓溫服

天門冬湯

天門冬去心一兩 馬兜鈴各半兩 百部各半兩

右為散每服五錢水二盞煎至一盞去滓溫服

若喘嗽時血出四肢懈怠脈浮大而沉由腎氣上併於胃氣道壅塞血無所行而散溢於脾精不化上不勝下脾之絡脈外絕去胃外歸陽明白木丸主之

白木丸

麥門冬去心 人參 茯苓 白木 澤瀉

生地黃焙 大豆卷各一兩 桑白皮炒二兩

右為細末煉蜜和丸如梧桐子大米飲下三十粒食前服

若病人不臥臥而有所不安則喘者藏有所傷精有所寄故

不得臥而喘肺氣盛脈滿大也牡蠣散主之

牡蠣散

用左顧牡蠣文片色白正者二兩先杵為粗末以乾鍋

子盛火燒通赤放冷研為細末每服一錢濃煎鯽魚湯
調下不拘時鯽魚重四兩者一箇去鱗肚濃煎煎時不
許動

若欬嗽逆倚息喘急鼻張其人不得仰咽中作水雞聲時發
時止由驚憂之氣畜而不散肺氣鬱或因過飽勞傷氣上行
而不能出於肺復遇寒邪肺寒則諸氣收聚氣緩則息有所
觸則發經久則不能治杏子散主之及灸腎膈百壯

杏子散

杏仁去皮尖麩炒麻黃為末

右研和煎橘皮湯調二錢匕

玉液散

人參 川芎 茯苓 桂心各一兩 馬兜鈴半兩

知母 貝母炒 杏仁去皮尖 葶藶炒 半夏麴各一兩

柴胡去淨苗二兩 石膏炒研 訶子炮各二兩 橘皮洗一兩半 麻黃去根節一兩

白朮一兩半 甘草炙 羌活各半兩

右為細末每服三錢水一盞半生薑三片棗一箇煎至一

盞去滓食前溫服

若喘息肺鳴而痿蹶由有所失亡所求不得氣鬱而肺熱葉
焦上舉是謂肺痿阿膠丸主之

阿膠丸

天門冬去心 桔梗 生乾地黄焙 阿膠剉炒燥

桑白皮剉炒 麥冬去心 栝子仁炒研各半兩 甘草炙一分

右爲末煉蜜和丸如彈子大每服一丸水一盞煎至七分食後溫服

嘔吐

論曰嘔吐者由清濁不分中焦氣痞若心下牢大如杯或時寒時熱朝食則暮吐暮食則朝吐關脈弦緊弦則爲虛緊則爲寒虛寒相搏此名爲格與關格同也是謂反胃青金丹朴附丸主之

青金丹

硫黃

水銀

木香末

右將硫黃水銀二味同研令不見水銀星子爲度合木香再研用生薑汁煮糊爲丸如梧桐子大米飲下三粒食後

服

朴附丸

厚朴

去皮剉作小塊子

附子

炮去皮臍剉作小塊子各一兩

生薑

八兩去皮取汁

右將二味以薑汁同煮盡汁爲度焙乾爲末酒煮和丸如梧桐子大米飲下三粒食前服

若心中溫溫常欲嘔聞食吐酸由宿寒在胃不能運水穀中腕成痰其關弦脈小而短白朮丸大半夏湯主之

白朮丸

史氏指南方無橘皮

白朮

三兩

半夏

湯洗七遍二兩

橘皮

洗

乾薑

各三兩

丁香

一兩

右爲細末薑汁煮糊爲丸如梧桐子大薑湯下三十丸食前服

大半夏湯

半夏升一

人參兩一

白蜜

右為末每服三錢水一盞煎至半盞加白蜜少許食前服若心上汪洋嘈煩頭目時痛胃中不利或嘔膽汁大便或利或秘喜渴此中脫伏痰旋覆丸主之

旋覆花丸

見前熱證門

若心下虛滿不入飲食時時欲嘔嘔無所出噯噯短氣由他病差後復為寒邪傷氣氣寒則不能食胃無穀氣以養其脈微弱大藿香散主之

大藿香散

藿香葉

人參

茯苓

桔梗

木香

桂取

白朮

各半兩

半夏

湯洗七遍為末半兩薑汁和成餅子陰乾

枇杷葉十片

刷去毛

右為末每服三大錢水一盞炒薑絲一分與藥同煎至七

分去滓食前溫服 劉孟容瑣碎錄名藿香湯

若心下煩不喜熱物得熱即嘔喜渴由胃受邪熱胃熱則氣濁陰陽渾亂其脈虛數或細而疾竹茹湯主之

竹茹湯

竹茹

橘皮

甘草

半夏

赤茯苓

麥冬

人參

枇杷葉

右加薑棗煎胃寒去竹茹麥冬加丁香實火去人參

若心下悶亂嘔吐不止臥起不安手足躁擾水漿不下由冷

熱不和邪正相干清濁不分陰陽錯亂喜冷者因熱惡冷者因寒名曰霍亂其脈弦大者寒也大理中湯半硫丸主之其脈數疾者熱也小藿香散青金散主之

大理中湯 方缺

半硫丸

半夏 湯洗七遍 焙為末 硫黃

右研細生薑汁煮糊為丸米飲下三十九

小藿香散

丁香 枇杷葉 去毛 乾葛 赤茯苓 藿香葉

甘草

右為末每服三錢水一盞生薑二片同煎至一盞去滓溫

服

青金散 方缺

若卒然嘔吐胃中痞悶氣不下行由飲食過傷胃氣滯而不轉胃中為濁逆行則吐其脈沉疾金汁丸主之

金汁丸 方缺

若痛而嘔者此寒氣客于腸胃腸胃得寒則聚沫聚沫則痛痛則氣逆逆則津液反出而嘔其脈緊細而滑粳米湯主之

粳米湯

附子 炮去皮臍切 片子半兩 半夏 湯浸七遍切 片子二兩半 甘草 炙剉碎 一兩

陳粳米 二兩 半

右拌和分作十二服每服用水三盞薑十片同煎至一盞

去滓溫服

若因嘔而噦者吳茱萸丸主之

吳茱萸丸

吳茱萸

炒一兩

橘皮

洗二兩

附子

炮去皮臍半兩

右為細末白麵糊為丸如梧桐子大飲下二十粒食前服

小便

附大便

論曰小腸為受盛之府傳導水液若始覺小便微澀赤黃漸漸不通小腹膨脹由心經蘊熱傳於小腸小腸熱則滲於脬中脬辟而系轉診心脈大而牢用藟葉散或石葦湯主之

藟葉散

裹茶藟葉

燒灰

滑石

半兩研

右為細末沸湯浸服或小便暴不通點好茶一盃入生油三兩點飲之

石葦湯

石葦

去毛剉

車前子

剉車前葉亦可等分

右濃煮汁飲之若腹脹溺洩不得好臥屈膝陰縮腫此厥陰之厥加赤茯苓黃芩八兩如前

若卒暴小便不通臍腹膨急氣上衝心悶絕欲死由忍尿勞役或從驚恐氣無所伸乘併膀胱氣衝脬系不正診其脈右手急大蔥白湯主之

蔥白湯

橘皮

洗三兩切

葵子

一兩

蔥白

三莖切

右以水五升煮取二升分三服

固脬丸

茴香炒一兩 桑螵蛸炒半兩 兔絲子揀淨酒浸一宿乘潤搗爛焙乾二兩

戎鹽炒一分 附子炮去皮臍半兩

右為細末煮糊為丸如梧桐子大飲下三十粒空心服

若小便純血血下則凝亦無痛處惛惛短氣由陽氣不固陰無所守五液注下其脈散濇欲絕而身冷者死菴蓉丸主之

菴蓉丸 史載之指南方治虛勞溺血加桑螵蛸半兩炙焦

酒糊為丸鹽湯下

菟絲子揀淨酒浸一宿乘潤搗爛再焙 肉菴蓉洗切焙 鹿茸去毛截片酥炙

乾地黃等分

右為細末煮糊為丸如梧桐子大米飲下三十粒空心服

若大腸為傳導之官變化出焉如大便不通者津液燥也慎

無以烈藥宜紫蘇丸主之

紫蘇丸

紫蘇子去皮研 橘皮洗各二兩 知母兩

右為末用生薑汁調成稀膏於重湯上煮不住手攪候可

丸如梧桐子大蜜湯下三十粒

婦人科

四物加桂湯 治忽然寒熱

川芎 當歸洗焙 芍藥 地黃焙 桂心等分

右為散每服五錢水二盞煎至一盞去滓溫服 史載之

指南方內無川芎

葶藶丸 治先因小便不利後身面浮腫致經血不行此水乘於血名曰水分

甜葶藶炒

續隨子

去皮研各半兩乾筴一兩

右為細末熟棗肉和丸如梧桐子大煎扁竹湯下七粒如

大便利者減葶藶續隨子各一分加白朮半兩食後服

牡丹丸 治經候時行時止或淋漓不斷腹中時痛其脈沉

澀由寒熱邪氣客於胞中留而為血滯當有所去乃愈

大黃蒸

附子

炮去皮臍茯苓

牡蒙

牡丹皮

桔梗

各二兩芎藭

人參

厚朴

去皮薑汁塗炙當歸

焙各半兩

甜葶藶

炒各二兩椒去目炒出汗半兩

蠱蟲

去頭足翅五十箇

吳茱萸

炒

柴胡

去苗乾薑

桂

去心各半兩細辛

去苗兩半

右為細末煉蜜和丸如梧桐子大酒下十粒未知加至二

十粒食後服

小薊湯 治經候過多遂至崩漏色鮮明如水下得溫則煩

至于昏悶其脈數疾微小為順大者逆由陰虛陽搏為熱所

乘傷于衝任血得熱則流散衝任不能收也

小薊莖葉

洗切研服汁一盞

生地黄汁

一盞

白朮

半兩細剉

右以水一盞同煎取一半去滓分二服

人參白朮散 治婦人經候不來身如病而無病脈滑大而

六位俱勻謂之陰搏陽有子也精神如故惡聞食臭但嗜一

物或大吐時吐清水此名惡阻慎毋作他病治之

白木一兩 人參半兩 丁香 甘草炙各一分

右為末每服三錢水一盞生薑二片同煎至七分去滓食前溫服

秦艽散 治胎動不安

秦艽 阿膠炒 艾葉等分

右為散每服五錢水二盞糯米百粒同煎至一盞去滓溫服

白朮散 治妊娠面目腫如水狀

橘皮洗 大腹皮 茯苓 生薑各半兩 白朮一兩

右為末飲調方寸匕食前服

兔血散 治難產最要臨產服之

臘兔血

右用蒸餅切片子蘸血陰乾為末煎乳香湯調服二錢

半夏散 治胎死腹中其母面赤舌青者是

半夏湯洗七遍薄切片薑汁浸三日炒乾

右為末溫酒調下一錢不能酒用湯亦治橫生逆產

桃仁湯 治惡路頓絕或漸少腰重痛下注兩股刺痛如錐

刀刺此留血於經絡不即通之大有痛處必作癰腫

蘇木 地黃 桃仁去皮尖炒 蜚蠊去頭足翅炒

水蛭炒各三十枚

右為散每服五錢水一盞煎至一盞去滓溫服惡路行即

住服

五香湯 治同前

木香 丁香 沉香 麝香

升麻 獨活 連翹 木通各二兩 大黃一兩

桑寄

右為散每服五錢水二盞煎至一盞去滓食後溫服

沒藥丸 治惡路方行忽然斷絕驟作寒熱臍腹大痛胃中

如以針刺此大有畜血留於經絡

當歸焙一兩 桂心 芍藥各半兩 沒藥一分 桃仁去皮尖炒一分

蜚蠊去頭足翅炒 水蛭炒各三枚

右為細末醋糊丸如梧桐子大醋湯下三丸

阜角散 治乳婦吹奶由哺兒時鼻氣沖乳中忽然腫硬痛

急手揉服阜角散栝樓散及敷藥不即治之結癰膿能殺人

阜角燒細研 蛤粉研等分

右研細熱酒調一匙或半錢急以手揉之取軟為度

瓜子湯 治腸頭如以針刺連穀道又因痔痛小便如淋狀

時寒時熱此由產時用力氣併腸間亦由陰虛邪熱乘客留

聚腸間熱結恐成腸癰 袁當時大方云崔左丞屢用有效

薏苡仁炒四兩 桃仁去皮尖 牡丹皮各三兩 瓜子一兩

右為末每服五錢水二盞煎至一盞去滓溫服

全生指迷方卷四終

皇清嘉慶十有二年歲在著雍執徐陽月昭文張海鵬較梓

